



**MEĐUNARODNA NAUČNA KONFERENCIJA  
SARAJEVSKI FILOLOŠKI SUSRETI 7  
(SARAJEVO, 26–27. OKTOBRA 2023)**

*Poziv za učešće*

Sarajevski filološki susreti jesu međunarodna naučna konferencija čiji je organizator Bosansko filološko društvo u Sarajevu. Riječ je o naučnom skupu iz oblasti filologije, tj. lingvistike i nauke o književnosti, koji se održava svake druge godine u Sarajevu. Prvi Sarajevski filološki susreti održani su 2010. godine. U radu dosadašnjih šest konferencija učestvovalo je više od 400 istraživača iz desetak evropskih zemalja.

Sarajevski filološki susreti 7 bit će posvećeni sljedećim temama:

I. Lingvistika

Kreacija i modifikacija forme, funkcije i značenja u jeziku  
Jezik i rod

II. Nauka o književnosti

Književnost i kriza  
Književnost, egzil i dijaspora

Sarajevski filološki susreti 7 održat će se **26. i 27. oktobra 2023. godine** u Sarajevu.

Uz bosanski jezik, radni su jezici konferencije i svi drugi slavenski jezici te engleski jezik.

Prijave za učešće na konferenciji podnose se na jeziku konferencijskog izlaganja isključivo putem **elektronskog prijavnog obrasca** koji ste dobili uz ovaj poziv, na adresu [7.sarajevskifiloloskisusreti@gmail.com](mailto:7.sarajevskifiloloskisusreti@gmail.com), najkasnije do **15. juna 2023. godine**. Obavještenje o prihvatanju učešća učesnici konferencije dobit će najkasnije do **15. jula 2023. godine**.

Učesnici konferencije sami snose putne troškove te troškove boravka u Sarajevu. Organizator će učesnicima pružiti pomoć i poslati sve potrebne obavijesti u vezi sa smještajem i boravkom u Sarajevu. Učesnici konferencije bit će uredno

obavještavani i o drugim pojedinostima važnim za njihov boravak u Sarajevu i učešće na konferenciji.

Kotizacija za učešće na konferenciji iznosi **100 KM (50 eura)**, a za doktorande **50 KM (25 eura)**. Kotizacija se plaća prilikom registracije prvoga dana konferencije.

Plaćanjem kotizacije učestvujete u pokrivanju troškova konferencije te pripreme i štampanja zbornika radova.

Preliminarni program konferencije bit će dostupan najkasnije do **15. septembra 2023. godine**, dok će konačni program konferencije učesnici dobiti najkasnije do **15. oktobra 2023. godine**.

Prihvaćena konferencijska izlaganja bit će objavljena u zasebnom zborniku konferencijskih radova u izdanju Bosanskoga filološkog društva. Konačne verzije konferencijskih izlaganja namijenjene objavljivanju u zborniku radova trebaju biti dostavljene u elektronskom obliku na adresu elektronske pošte [7.sarajevskifiloloskiskusreti@gmail.com](mailto:7.sarajevskifiloloskiskusreti@gmail.com) najkasnije do **15. aprila 2024. godine**. Cjelovite upute za oblikovanje konačnih verzija konferencijskih izlaganja namijenjenih objavljivanju u zborniku dostupne su na internetskoj stranici organizatora [www.bfd.ba](http://www.bfd.ba).

Za sve dodatne obavijesti i pojašnjenja potrebno je obratiti se na adresu elektronske pošte [7.sarajevskifiloloskiskusreti@gmail.com](mailto:7.sarajevskifiloloskiskusreti@gmail.com).

Predsjednica Organizacionog odbora

Doc. dr. Azra Hodžić-Čavkić

Sekretar Organizacionog odbora

Belmin Šabić, MA

Organizacioni odbor

Prof. dr. Halid Bulić  
Prof. dr. Munir Drkić  
Prof. dr. Adnan Kadrić  
Prof. dr. Sanjin Kodrić  
Prof. dr. Ksenija Kondali  
Prof. dr. Munir Mujić  
Prof. dr. Ismail Palić  
Prof. dr. Vahidin Preljević  
Prof. dr. Nehrudin Rebihić  
Prof. dr. Mirza Sarajkić  
Elmir Spahić, MA